



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三二〇

嘯村近體詩選三卷 李 薊 撰

一

海門詩鈔十二卷（詩鈔八卷外集四卷）附外集補錄一卷附錄一卷 鮑 皋 撰

二三

海門二集十卷海門三集六卷 鮑 皋 撰

一二五

嘯村近體詩選

雅雨堂藏板

歐陽子有言詩非能窮人殆窮者而後工信然余嘯村詩名於膠州高西園鳳翰時西園方以縣丞試用於皖城嘯村皖人也余爲六安州牧每至省必與兩君盤桓後五年轉運揚州大會名士於平山堂時嘯村與西園俱在座賦詩懷古意氣道上及余被逮西園亦掛彈章嘯村留揚州不去與予兩人相依後余徙塞外嘯村又時時以詩相問訊蓋嘯村之篤於友誼如此歲甲子蒙

思起牧灤州乙丑遷永平守嘯村俱各有詩甲戌乃復來

嘯村近體詩選

序

雅雨堂

茲土回憶平山之會首尾踰十八年而嘯村猶儼然爲諸生囊其所著近體詩詣余求叙嗚呼嘯村之遇可謂窮矣嘯村名勉生而穎異總角應童子試輒冠一軍其爲詩入手立成如不經意而新警雋拔無一字拾人牙後慧學使者海鹽俞公按皖試春江詩筆不停揮成七言律三十首俞大驚有國士之目嘯村自此名益重文益高而棘闈亦日益躋當道諸公重其才爭禮之然卒落拓無所遇嘯村亦不以非分干人乙卯

天子開博學鴻詞試予以君名薦爲學使者放歸余揚州

雜詩有云心折阿房終下第那能不愧武陵賢蓋爲嘯村傷之也乾隆辛未

皇上南巡接

駕於江寧龍潭奉

召試

賜官緞及內造針黹等物嗚呼以寒士之詩至傾動萬乘

蒙

恩賞賚不可謂不遇乃其遇亦止此嗚呼如嘯村者乃真

窮士也嘯村曾題燕子磯絕句云年年高卧非關嬾許

嘯村近體詩選

序

二

雅雨堂

大江南沒處飛以嘯村之才不爲鸞鵠之高翔乃僅效
苔封之片石埋沒於荒烟寂寞之濱悲夫子哀其遇因
益重其詩詩如嘯村宜其不遇然亦可以不遇也嘯村
工於近體不爲古詩不以其所不能爲能此所以爲嘯
村歟乾隆甲戌閏四月上浣二日德州盧見曾撰

皖江李君嘯村以詩名江南北者數十年生平喜遊覽

名山大川行蹤所至遇風雅之士與嶽奇磊砢之才輒
相與流連唱酬酣嬉而不厭而客金陵維揚時尤多余
識嘯村垂二十年矣風晨月夕客廬僧舍以及廣場繁
會頗樂與嘯村偕聞其詠調接其議論並聽其自誦所
爲咏歌之作鏘然其聲躍然其神俾人憂者喜而苑者
舒是殆得風人之深趣者也兩淮都轉德州盧公素愛
其詩蒞官維揚日嘯村常從之遊後公以事別去嘯村
獨往返江上者十餘年潦倒場屋卒無所遇而處之不

嘯村近體詩選

序

一

雅雨堂

以爲困時時閒吟自娛然羸羸顛顛之容日寢以甚比
盧公再任兩淮而已歎嘯村之衰且老矣未幾病而歸
歸而卒公深悲焉余時持服歸里會公選輯嘯村詩將
錄諸本以行之命予序其首於序嘯村死矣而藉以播
之藝林者詩也友朋散處歌其零篇斷句恐就磨滅而
甄綜以傳之者公也往時新城感舊一編公深契其懷
人篤故之思增注本事貽諸久遠可云先後有同心茲
於嘯村詩蓋亦感舊不忘之情事歟嘯村不爲古詩而
近體娟秀宜人刻鏤工巧蓋實費苦心焉非比夫才豪

氣猛閒雜螻蚓者公之集之詎有私好而余綴斯言秋
風短檠猶彷彿嘯村琅琅自誦時也乾隆丙子秋杪白
下秦大士拜書

嘯村近體詩選

序

一

雅雨堂

嘯村近體詩選目錄

卷上

七言律詩四十五首

卷中

五言律詩四十五首

卷下

七言絕句七十三首

嘯村近體詩選

目錄

一

雅雨堂

嘯村近體詩選卷上

懷寧 李勉著

七言律詩

金山

鰲背連雲未易攀，塵心到此覺全刪。
空中樓閣無多地，海上蓬萊有數山。
天遠帆隨春樹沒，潮平鐘送夕陽還。
當年不解坡公帶，長此橫腰亦等閒。

焦山

別開生面水爲鄰，風鼓烟鐘澤國春。
海底勒銘猶有石，

嘯村近體詩選

卷上

雅雨堂

山中却聘更無人，浪攻彼岸千層雪。
樹辟浮圖十丈塵，不共滄桑容易變。
請看周鼎至今新。

泊瓜洲

渡不能飛惱客情，掀篷坐對晚潮生。
金焦烟鎖傳鐘響，淮海風奔作雨聲。
幾樹紅燈船入市，一灘沙白月穿城。
明朝策杖登高岸，便擬山陰道上行。

冬夜舟次懷友

欹枕無眠苦憶君，嚴寒木落正紛紛。
風生高岸沙成雪，月上空江水化雲。
白練書殘王內史，青樓夢破杜司勳。

此時翠袖圍銀燭，遙卜清狂到十分。

夜泊華陽鎮

吟篷推望水連天，月上烟檣未滿絃。
出谷泉分燈影細，入林風合磬聲圓。
雷江猶記封沙日，彭澤難忘種菊年。
鄉井別來纔百里，牽情早已不成眠。

和雅雨夫子自江寧調治潁州原韻作

秣陵正說使君賢，忽捧丹書又著鞭。
京兆不妨官五日，大夫豈止歲三遷。
郡樓霜冷青燈夜，驛路風高白雁天。
行見西湖清徹底，公餘覓句想當年。

嘯村近體詩選

卷上

雅雨堂

清明日書事

風疎煙澹雨迷離，生計因循路更岐。
春服未成翻愛冷，家書空寄不妨遲。
拋荒三逕人千里，插遍重門柳一時。
課睡有閒聊自語，寸心肯負落花知。

春柳

抱水圍山樹樹新，短長猶是及時春。
花能著地飛還起，風縱如刀剪未勻。
陌上有樓休望遠，天涯何處不行人。
年來狂放無拘束，肯受江干一點塵。

歸思

開過將離麥又秋依然懷刺未輕投停杯每爲花惆悵
買棹多緣雨逗遛誤信千金曾換賦直教五月尚披裘
縱橫江上還家路那有閒情對白鷗

寓樓題壁

因循一似戀揚州百二晨昏此寓樓可奈懷人空有夢
久知作客不宜秋蠨肥菊瘦吟兼醉鶴野雲閒去復留
生計豈無田負郭却從書劍覓封侯

中秋夜歸自秣陵

扁舟歸繫大江邊故國風光又宛然入夜天分秋一半

嘯村近體詩選

卷上

三

雅雨堂

到門人與月俱圓且圖對酒強爲客何必看囊定有錢
從此護持舊籬落花時知不負今年

霜葉

冰柱奇觀共雪車何如秋老見霜花固知歲晚木微脫
莫認春深桃始華帶月夜燒丹竈火因風晴布赤城霞
飄零若更隨流水又道題詩出內家

臘月十五夜對月

寒光如水復如煙雲破花梢又滿弦故國有人通夜望
今年只此一回圓斷蓬輾轉疑無地飛鏡空明總在天

照我治裝應不遠上元燈火送歸船

自秣陵歸里

寒香開又到梅花每爲家園惜歲華彈鋏九秋聊寄食
拏舟三日便還家草深門有迎人犬木落庭餘噪雪鴉
此際山妻正惆悵尚疑人在海天涯

抵家

經年傳食得諸侯歸到家園未及秋借酒何能澆壘塊
著書方不負窮愁但無曠日皆生計差勝閒居是薄遊
六月倦飛思暫息儘教高卧對沙鷗

嘯村近體詩選

卷上

四

雅雨堂

無題二首

浪走天涯少定踪寺樓何處叩霜鐘神藏秋水微嫌冷
眉寫春山未覺濃錦字一函封荳蔻金針並蒂繡芙蓉
也知後會非無日盼斷重關重復重
不復深宵踏月來麗譙風鼓動輕雷魂消客舍歌三疊
腸逐江流曲九迴梔子同心空有結桃花薄命本多才
凌晨不分聞簷鵲悶撥金爐未燼灰

友人過訪抱甕草堂留共蔬飯即用蔬字

正掩松關賦子虛故人得得造吾廬覆蕉未信藏無鹿

彈鋏終難食有魚共此詩篇渾漫與不知天命竟何如
山厨却笑空於水只辦家園一束蔬

五日

不聞簫鼓草堂深一事無關長短吟紅放榴花兒女節
綠斟蒲酒弟兄心連朝疎雨門常掩何處空山藥可尋
試問畫船人競渡何如高卧此園林

蕉席二首

綠天割取片雲輕布就花陰近豆棚卧擁未須圖畫意
坐牽正自得詩情一絨暗拆書何有三葉微醺夢漸成
嘯村近體詩選 卷上 五 雅雨堂

似此清寒誰與共野人應不起紛爭

翠旗不復卓東牆覆滿深林七尺牀說夢事傳樵子誤
拋書枕藉美人香卧遊碧海寬如許坐守青氍冷不妨
紙帳梅花並葵扇山家清供恰相當

過訪童遙青書屋

夜叩山房月上初醉吟未審近何如樹無不活知裁法
門有時關得隱居鷄黍約從今日踐鶯花詩是隔年書
交深我輩風兼雨來往尋盟廿載餘

別家園梅花

將花時節僕夫催曉出柴關首重回月上定知無鶴伴
雪深更覺少人來瓦餅貯水時斟酌紙帳留香費剪裁
料得此行歸計早抵家猶見十分開

赴姑孰感事

擔簦更上太平洲寒色侵人靜倚樓一杆疎鐘煙寺晚
半棚新月豆花秋候蟲語作無腔曲過客身爲不繫舟
自問此行真莫解挑燈含笑看吳鉤

客況次韻

居人誰是謝宣城客況真同潭水清入市賣錢書畫賤
嘯村近體詩選 卷上 六 雅雨堂

沿門投刺姓名輕難爲蜀道都非險薄到秋雲尚有情
叢桂香中呼一斗夜分唯向月明傾

新城泛舟

又見新潮復舊痕禁煙節候氣寒溫儘寬世界容雙槳
無幾人家占一村犬吠桃花香滿地燕翻帘布影當門
此行漸入皆佳境丁卯橋頭問許渾

平山堂即事

也從載酒向山堂社鼓聲中泊野航詩以催成多險句
花因寒勒有奇香半篙新綠憐春水一抹微紅寄夕陽

慶歷風流餘此地幾人誤認作歡場

題雅雨夫子出塞圖

行李蕭蕭好戒途關山萬里一人孤使臣有命非遷客

聖主無刑及大夫驚定風花終未墮春回霜草不曾枯會

看天上裁新詔便寫高車入塞圖

碧雲紅樹送吟鞭戎馬書生望若仙義重及門由從我

謂同門
夏之璜恩深解網

帝同天縱無罪贖功當立一出關來事已傳但是幅幘皆

內地枕戈何用更籌邊

嘯村近體詩選

卷上

七

雅雨堂

生日酬真州方鑑齋

無成鹿鹿已華顛又到生辰意惘然諱老偏逢人序齒

拋家動輒隔經年倦眠蕭寺春風榻放浪桃花夜月船

此際多君慰岑寂一尊郊外集羣賢

春山

橫空山色又經春暖雨時過絕點塵隔岸喜當迎面笑

倚樓妬煞畫眉人夕陽芳草疑無路流水桃花別有津

容易風高兼木落何辭攜酒醉千巡

上已郊行分得添字

山色溪聲覺漸添紆迴路踏不生嫌香無人惜空花落

食有僧推得笋甜一線淡黃露初月幾家新綠隔重簾

未成村店謀豪飲晚市歸來問酒帘

上已憶白下

晴明恰是握蘭辰遙卜秦淮眼一新楊柳晚風深巷酒

桃花春水隔簾人橋邊車過香生路樓外船歸月滿津

憔悴不堪來舊館相憐誰爲洗沙塵

隔溪桃花

仙源咫尺絕風塵入望無煩更問津傳粉錯疑何駙馬

嘯村近體詩選

卷上

八

雅雨堂

畫衣重見李夫人

唐詩隔水殘霞見畫衣

水精簾動梳頭影玉鏡

臺開却扇春一語不通情脉脉儘教相對悟前因

東方南塘

三十年來共揣摩燕來鴻往疾如梭遠方聚較家鄉易

老境吟輸少小多海內解人寧有幾山中歸計竟如何

我當旅食居高館一樣風霜兩鬢皤

寒食前二日再集

行厨風雨出盤餐密坐高談到夜闌花落尚餘將放蕘

春深猶有未消寒人能免俗差堪對詩但求工已覺難

更待禁煙時節過提壺直上嶺雲端

遲黃未亭不至

空谷無聞又一宵遲君枉自燭高燒賣花市散香沿路
踏月人歸影過橋金石同堅寧亦妄林塘相距未爲遙
蟬肥酒熟重陽近何處情深喜見招

美人風箏應台觀察

底事身輕向翠微幾人仰面認依稀月猶可入乘鸞去
仙不能留作燕飛消息遠傳千尺樓剪裁寒重五銖衣
花開陌上紅如許好趁東風緩緩歸

嘯村近體詩選

卷上

九

雅雨堂

寄內人鏡

芙蓉及第願成虛磨洗青銅付鯉魚秋水空明卿自見
春風憔悴我何如一囊依樣當花鑄雙髻從新對影梳
抱去未須深夜聽歸期已卜月之初

汪履方道人陪雅雨夫子出塞暫歸問訊無恙

即候興居

榴花照眼柳依依酒社詩壇迹漸違三十月中書信斷
八千里外道人歸起居絕塞應知好生長中華轉覺非
早卜君恩寬似海馬蹄秋共雁南飛

長夏過雙樹堂贈藥根詩僧

數椽小隱巷西偏樹散濃陰別有天欸客盤分供佛果
租花囊耗賣文錢虛空不說無生話安穩惟叅自在禪
我亦乘閒時過訪分題同遣日如年

却人寫真

浮生如寄付狂歌瘦削寧煩更揣摩有影正嫌無處匿
不材尚覺此身多將圖卧雪真難稱便畫凌煙待若何
試看三毫漆頰上至今安在況其他

與桐城倪九思誠話舊

嘯村近體詩選

卷上

一

雅雨堂

當年一葦菴名共居停相對岐途髻未星名酒開樽浮嫩
綠好山排闥入遙青香分研雨題紉扇影落餅花檢藏
經不信歲時彈指過等閒二十五秋螢

冬夜懷友

香從荀令幾時熏笑語尊前久未聞紙閣燈明人入夢
霜天風冷雁離羣自傷蓬鬢還爲客每對梅花即憶君
安得此生常接席吟襟莫讓等閒分

酬郭稜庵夫子

年來落拓髮如絲載筆君門事已遲除却張華誰博物

媿非曾鞏但能詩治生久擬三農老失學難酬一日知
聞道姓名登薦版令人惆悵月明時

友人齋看餅梅和秦澗泉韻

林下風華是也非汲泉分貯紙屏圍新粧自合羞銀燭
瘦影何曾厭布衣未薦清尊心已醉要探空谷願全違
羸他十里香無賴謂十里江梅亂逐蕭蕭東雨飛

雅雨夫子重蒞淮南喜賦

別去旗亭十四年江南冀北兩情牽入關果見朝金闕
公出塞詩有三年便許朝金闕萬里何辭出玉門句過海何殊駕鐵船傳恐未真

嘯村近體詩選

卷上

七

雅雨堂

疑是夢願無難遂莫非天廣陵濤共平山月正待秋高
續舊緣

繡旗迢遞指維揚走馬真如入故鄉局布胸中有成竹
蔭留江上見甘棠謝公花墅春風滿董相書惟化雨香
半壁一時稱快事不才況久托門牆

客古巢將之白下寄懷張稼蘭董紹聲即用丙

午秋送別元韻

江上尋巢燕子歸桃花飛盡柳依依春殘作客偏逢雨
月落知君獨掩扉舊夢乍醒蕭寺鼓餘寒猶戀故人衣

長安有路終非遠並轡何時謁紫微

相思幾度數晨昏片紙無從寄白門一斗李生能問月
三年董子不窺園吟同鶴瘦詩成律泣比魚枯淚有痕
好到水雲樓上望挂帆人已出江村

內人寄衣

迢遙風雪寄衣難客路開絨意轉酸密線久深慈母痛
綈袍誰念故人寒白頭有句吟初苦時余納紫玉成煙淚
始乾謂傷數紙感卿書不盡煖餘爲勸更加餐

桐山道中

嘯村近體詩選

卷上

七

雅雨堂

老梅開滿向南枝驛路東風策蹇遲宿雨新添沙岸草
春山無恙酒家旗文章久已驅窮鬼造化從今託小兒
所願麤酬衣食足姓名底用盡人知

寄秦諫泉殿撰

報捷泥金喜且驚書生一旦得承明壯懷科第無虛願
盛代文章有定評痛憶岐途遭鬼笑難忘初地訂鷗盟
此身不啻同君達說到彈冠便世情

登漢陽大別山

憑空絕磴費躋攀人在風高木落間極浦浪飛千尺雪

夕陽煙抹半城山香燈未斷桃花老桃花夫人即息婦江漢無
爭鐵鎖閒全楚片時歸眼底頓教遊屐不知還

琵琶亭

香山遺跡未消磨肯便乘風草草過白月自隨江影澗
青衫偏惹淚痕多九秋楓荻聲猶在一曲琵琶事奈何
不是重新亭可上維舟那得復狂歌

辛未南巡

名試

禁林鐘動向彤墀亭午歸來影漸移歲月久甘場屋老

嘯村近體詩選

卷上

七

雅雨堂

姓名仰荷

帝王知千秋鴻寶摹非易九錫龍章拜已遲不信布衣人

待

詔孫山盡處亦榮施

恭紀

聖恩欽賜荔枝色緞一聯荷包一對

御製般般出上方九重恩渥豈尋常顧家針繡歲蕤鎖

漢府機絲荔子香佩服只宜歸畫省拜登恐未稱茅堂

較之細葛輕羅貴一樣詩成喜欲狂

拙草散佚諸同人廣為搜羅擬合錢付梓未果

久慚失學自生初門外徒多問字車累及棗梨緣底事
名知走卒待何如本無泣鬼驚天句差比編年紀月書
不得長安逢賀監當爐誰復解金魚

畫虎塗鴉墨未乾一囊水剩共山殘抽毫汗漫題襟易
鏤板商量問世難帝曰凌雲非所望人言覆醬太無端
也知楓落吳汀冷五字其餘未足觀

摘句尋章遣歲華有時微笑勝拈花鶴聲幸不為人竊

鼠跡何曾敢自跨風雪旗亭徒畫壁鼓鐘禪院待籠紗

嘯村近體詩選

卷上

古

雅雨堂

闕疑一似天難補爛石無從學女媧

刪從訂後訂從刪辭選多般始就班背上奚囊李長吉

袖中新本白香山徒工聲韻非奇貨不第文章亦厚顏

字字都經辛苦得灞橋風雪幾曾閒

嘯村近體詩選卷上

嘯村近體詩選卷中

懷寧 李 勉著

五言律詩

登北固山

扼要當京口中流指顧間天低全入海岸遠竟無山鍊塔應難朽丹梯尚可攀古來爭戰地長此得寬閒

泊紫沙洲

紫沙明水際泊岸各爭先鄉遠人千里江空月一船冷吟對花笑薄醉枕書眠宵柝無煩警安危久任天

嘯村近體詩選

卷中

雅雨堂

瓜洲除夕

歲酒夜言歡蘆簾未覺寒釵鬟山婦篋棗栗女兒盤髻雪風吹盡爐灰火撥殘江鄉家尚在三口且團圓

寓樓不寐

羈此真無味秋深事事慵客牀千里夢僧寺五更鐘壁破燈光入簾疎月影重朝來仍故我何處慰飄蓬

燈花

燈花何太喜入夜照殘編風冷犬無吠月高人未眠家書遙莫致行橐久空懸底事憑渠報相看轉惘然

早起

不待鷄鳴起披衣正覺寒佛通花智慧人與竹平安霜氣撲簾重鐘聲出檻殘伊蒲香積滿早已辦朝餐

清明過瓦官寺

瓦官存廢寺往蹟未全虛暖入桃花粥香生貝葉書草深風雨際樹老鼓鐘餘已是逃禪客來尋十笏居

苔徑

也覺裙腰似依微一道斜不勝高屐踏聊藉曲欄遮淺綠分垂柳輕紅點落花兒童休便掃珍惜此生涯

嘯村近體詩選

卷中

雅雨堂

袁簡齋招集隨園

江南山水勝都聚此樓臺不速無多客知名未易才苦吟慚下里暢叙托深杯亦有閒雲過籬門肯漫開

新夏 趙州社分賦

花信風吹盡年華逐曉鐘柳多拋敗絮雲漸疊奇峰簾敞出巢燕墻高解籜龍趙州茶熟候香泛綠陰濃

螢火

不共夕陽沒寒光分外清避風驚欲墮冒雨濕還明野火流花逕疎星度水程可憐飄泊慣芳草是前生

中秋集漁菴待月

明月四時有今宵應不同已知離海畔可遠到天中香
動木樨影涼生紈扇風秦淮穿十里處處敞簾櫳

中秋夜不寐

漏下鼓逢逢水樓燈影紅醉殘窺黠鼠吟苦續寒蟲事
出人情外山歸旅夢中月明斜照處二箇信天翁

問遠村上人桂花消息

六一堂前桂還遲幾日開木樨香自在金粟見如來片
月寒於此小山人未回待君寄消息同上最高臺

嘯村近體詩選

卷中

三

雅雨堂

出門

歲晚百端集人歸我出門債無臺可避耕賴舌猶存清
曠江千里寒空月一痕天涯時有夢大半在江村

古劍

英雄久不作片鏤至今存貧賤埋霜刃風塵鏽血痕藏
將三尺雪報得幾人恩曾伴封侯骨生還入玉門

方丈茶話次韻

華言未可憑說法聽南能豈是無家客翻爲有髮僧息
機疎舊雨履險戒春冰自問心猶雜難參最上乘

坐雨

晴雨渾無定懸知行路難花遲何日放春補去冬寒僻
處有餘暇羣書得縱觀倩人賒薄酒獨酌且爲歡

春水

莫辨舍南北盈盈奈爾何流將殘雪盡影入麗人多芳
草碧同色遠山青可羅船從天上坐不是洞庭波

桃花和許霽堂韻

積雨一朝斷至今桃始華遠乘黃篋舫飽看赤城霞粉
膩苔痕濕香飛日影斜臨溪風味好鷄犬幾人家

嘯村近體詩選

卷中

四

雅雨堂

宿味菜軒和王竹堂韻

幾夜風兼雨僑居人對牀鄉書空雁足客路繞羊腸竹
石王維畫烟花李賀囊恬然高一枕也自謂羲皇

東焦五斗

明日有閒否偕君出郭門山堂新過雨村釀正開尊林
月影初見木樨香漸繁二三方外友好與話雲根

留別廣陵同人

鷄黍登高約因之送客行滿斟黃菊酒又出綠楊城得
伴路忘遠懷人夢亦清久羈歸却好莫便動離情

淮安道中

片席指東楚，凌寒破浪花。
有天連水國，無地住人家。
不募射潮弩，空乘犯斗槎。
夕陽前路遠，高樹噪羣鴉。

鐘聲

塵夢一聲醒，淩虛散遠天。
五更斜月墮，孤寺夕陽偏。
木落拜山鬼，風迴到客船。
好從煙際認餘韻，尚鏗然。

望耕亭晚眺

無爲署中

一飽復何事，憑高望夕陽。
已歌田祖賜，猶覺稻孫香。
孤塔插寒翠，幾家臨野塘。
故鄉風景似，好去課農桑。

嘯村近體詩選

卷中

五

雅雨堂

登蕪湖識舟亭分賦

一雨秋無際，憑高望眼迷。
煙橫經岸斷，天遠入江低。
把酒思前輩，謂王季重先生摩碑覓舊題。
霜林紅欲染，踏遍短長堤。

慈湖曉發

帶月出村店，凌晨望眼懸。
翠螺臨積水，白雁渡長天。
輿繫登山屐，囊酬賣餅錢。
太平州上路，來往動經年。

舟次銅官

望裏銅官近，長山樹幾叢。
城圍三面水，帆卸半邊風。
行

嘯村近體詩選

竈烹江鯉歸，心盼塞鴻茫。
茫何處泊，正越夕陽紅。

馬口

廉纖微雨過，煙樹有無間。
曲港漁罾密，危樓戍鼓閒。
花飛春水岸，雲斷夕陽山。
自笑緣何事，三年兩往還。

再過鍊樹宮

重來當絕頂，放眼際春明。
窓納千帆影，泉春萬壑聲。
金山江上寺，鍊甕海邊城。
僧老曾留榻，猶能道姓名。

題鴻來館應吳鶴園先生

搖落蘆花候，寒空路渺茫。
疎燈孤枕夢，殘月滿天霜。
消嘯村近體詩選

卷中

六

雅雨堂

嘯村近體詩選卷中

嘯村近體詩選卷下

懷寧李勉著

七言絕

瓜渚

樹接平堤草滿汀花飛兩岸短長亭怪他山色偏分別
只在江南一帶青

燕子磯

燕子何從化作磯苔深片石羽毛肥年年高卧非關懶
許大江南沒處飛

嘯村近體詩選卷下

雅雨堂

棲霞題壁

山坳重疊白雲封松吼殘陽欲化龍未卜此間藏寺古
被風吹出一聲鐘

揆梅二首

曾跨疲驢問水涯分明疎影見橫斜今年不合逢春閨
耽閣東風第一花
領袖名花屬早梅苦遭寒勒費疑猜薄情縱是天奇妬
未必能教竟不開

春陰

珠瀉鶯喉一串圓花梢風盪酒帘偏晴無日色陰無雨
恰是江南養麥天

青溪即事

粉牆紅掃落花痕一帶樓臺樹影昏雨細風斜簾未卷
縱無人在亦消魂

題雅雨夫子借書圖二首

旋假旋歸未得閒十行俱下片時間百城深入便便腹
直抵荊州借不還

吟披不負客牕虛借遍人家架上書爲問鄴侯三萬軸

嘯村近體詩選卷下

雅雨堂

未經手觸待何如

白芙蓉

玉琢難容一線瑕霜何曾拒滿頭遮劇憐明月無人夜
照入秋江不見花

思歸

竟年身比片雲閒來往紅橋古渡間昨日無端動歸思
悔從樓上看春山

訪陳楚雲不遇

校書人去太平州風雨能無憶舊遊幾度來賓橋上望